



საჯარო სამართლის იურიდიული პირი

# საქართველოს ინტელექტუალური საკუთრების ეროვნული ცენტრი საქპატენტი

ქ. მცხეთა

№ 08 01 2013 წ.

## ბ რ ძ ა ნ ე ბ ა № 02/08

### სასაქონლო ნიშანზე სასაზღვრო ღონისძიებების განხორციელების შესახებ მოთხოვნის რეგისტრაციის თაობაზე

2012 წლის 24 დეკემბრის N 20338/03 განცხადებით შპს „იმპექსფარმი“-ს (მის: გოთუას ქ. 3, 0160 თბილისი, საქართველო) წარმომადგენელმა ნუგზარ ქსოვრელმა მოითხოვა სასაქონლო ნიშანზე „АДЪЮТОР“ (რეგ. N 20338) სასაზღვრო ღონისძიებების განხორციელების შესახებ მოთხოვნის ორი წლის ვადით სასაზღვრო ღონისძიებების განხორციელების შესახებ მოთხოვნათა რეესტრში რეგისტრაცია. სასაქონლო ნიშანი „АДЪЮТОР“ (რეგ. N 20338) საქართველოში რეგისტრირებულია 25.03.2010 წელს და მისი მოქმედების ვადა განისაზღვრება 25.03.2020 წლამდე. სასაქონლო ნიშანი რეგისტრირებულია მე-10 კლასის საქონლის ჩამონათვალის მიმართ. არსებული გარემოებების შესწავლის შედეგად და „საქართველოს ზოგადი ადმინისტრაციული კოდექსის“ 52-ე მუხლის, „ინტელექტუალურ საკუთრებასთან დაკავშირებულ სასაზღვრო ღონისძიებათა შესახებ“ საქართველოს კანონის მე-4 მუხლის, „საჯარო სამართლის იურიდიული პირის - საქართველოს ინტელექტუალური საკუთრების ეროვნული ცენტრის - „საქპატენტის“ დებულების დამტკიცების შესახებ“ საქართველოს მთავრობის 2010 წლის 3 ივლისის N181 დადგენილებით დამტკიცებული დებულების მე-6 მუხლის მე-2 პუნქტის „დ“ ქვეპუნქტისა და ამავე მუხლის მე-3 პუნქტის საფუძველზე

### ვ ბ რ ძ ა ნ ე ბ ა:

1. სასაქონლო ნიშანზე „АДЪЮТОР“ (რეგ. N 20338) დარეგისტრირდეს სასაზღვრო ღონისძიებების განხორციელების შესახებ მოთხოვნა ორი წლის ვადით სასაზღვრო ღონისძიებების განხორციელების შესახებ მოთხოვნათა რეესტრში (მოთხოვნის რეგისტრაციის N 152, მოთხოვნის რეგისტრაციის თარიღი 08.01.2013).

2. ეს ბრძანება შეიძლება გასაჩივრდეს საქპატენტთან არსებულ სააპელაციო პალატაში კანონით დადგენილი წესით სამი თვის ვადაში ან ქ. თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, აღმაშენებლის ხეივანი მე-12 კილომეტრი, N6) ერთი თვის ვადაში.

თავმჯდომარის მოვალეობის შემსრულებელი

ეკატერინე ვაგუტია

ეგზავნება: საქართველოს ფინანსთა სამინისტროს შემოსავლების სამსახურის საბაჟო დეპარტამენტს; საქართველოს პატენტრწმუნებულს ნუგზარ ქსოვრელს (მის: 0179, თბილისი, ი.ჭავჭავაძის გამზ. 50).



|                      |    |        |
|----------------------|----|--------|
| ასლი დედანთან სწორია |    |        |
| “ 08 ”               | 01 | 2013წ. |
| საღმრთაობა           |    |        |